

4

Ресейдегі қазақ  
диаспорасы  
қалай  
қалыптасты?



8

Құстар, құстар  
сызылтып  
ән салады...



# Сыр бойы

30 наурыз, сенбі 2024 жыл



№ 48-49 (20722-20723)

Қызылорда облыстық қоғамдық-саяси газет. 1929 жылдың 1 шілдесінен шығады

[www.facebook.com/syrboyi.kz](https://www.facebook.com/syrboyi.kz)
[www.instagram.com/syrboyi\\_kz](https://www.instagram.com/syrboyi_kz)
[t.me/syrboyi\\_kz](https://t.me/syrboyi_kz)
[twitter.com/syrboyi](https://twitter.com/syrboyi)

/// ПРЕЗИДЕНТ

## ОРНЫҚТЫ ДАМУДЫҢ ЖАҢА ДӘУІРІ



Президент Қасым-Жомарт Тоқаев жыл сайын Қытайдың Хайнань провинциясында өтетін Боао Азия форумының (БАФ) пленарлық сессиясының ашылу рәсіміне қатысты. Биылғы 23-ші форум «Азия және әлем: ортақ сын-қатерлер, ортақ жауапкершілік» деген тақырыпта өтті.

Қазақстан Президенті аталған форумда құрметті қонақ ретінде сөз сөйледі. Жиын қатысушыларына ілтипат білдіре отырып, құбылмалы геосаяси ахуал мен экономикалық қиыншылықтың салдарынан туындаған жаһандық тұрақсыздық жағдайында бұл платформа диалог пен халықаралық ынтымақтастық орталығы ретінде маңызды рөл атқаратынын атап өтті.

– Осы онжылдықтың ортасына қарай жаһандық жалпы ішкі өнімнің өсу қарқыны соңғы 30 жылда ең төменгі деңгейге түсетіні айқындала бас-

тады. Сонымен қатар жетекші елдер арасындағы сауда қатынастарының шиеленісуі – әлі де әлемдік экономиканың алдында тұрған негізгі сын-қатерлердің бірі. Протекционизм саясаты мен сауда дауларының ұшығуы жаһандық жеткізу тізбегін бұзып, экономикалық өсімді тежейді, сондай-ақ инвесторлардың сеніміне селкеу түсіреді. Жаһандық экономикаға дамудың жаңа парадигмасы керек екені анық. Бұл мәселені шеше алмасақ, таяу онжылдықтағы мүмкіндіктер қолымыздан суып кетуі әбден ықтимал, – деді Қасым-Жомарт Тоқаев.

Мемлекет басшысы орнықты дамудың жаңа дәуіріне қадам басар тұста Азия елдері көш бастап тұрғанына назар аударды.

– Биыл Азия елдері әлемдік жалпы ішкі өнімнің 60 пайыз өсіміне қол жеткізеді деген болжам жасалып отыр. Дүниежүзілік сауданың 53 пайызы осы құрлықтың үлесіне тиесілі. Мұнда әлемнің ірі және қарқынды дамып келе жатқан экономикалары орналасқан. Соңғы жылдары Азияға тартылған тікелей шетелдік инвестиция көлемі едәуір ұлғайды. Сондай-ақ бұл аймақта патенттік әзірлемелердің 70 пайызына иелік ететін әлемнің жетекші технологиялық орталықтары бар. Құрлық айтпай адам ресурсына ие. Әлемдегі ірі 30 қаланың 21-і Азия құрлығында орналасқан. 2030 жылға қарай орта

таптың тұтыну көлемінің өсімі 30 триллион доллар болмақ. Болжам бойынша оның 1 триллион доллары ғана батыс экономикасына тиесілі. Осы факторлардың барлығы мұның «Азия ренессансы» екенін көрсетеді, – деді Президент.

Сонымен қатар алдағы жылдары жаһандық өсім мен дамуды ынталандыру ісін жалғастыру үшін Азия өңірінің мол әлеуеті бар екенін, Қазақстан мен Қытай қарым-қатынасы тиімді серіктестіктің үлгісі саналатынын атап өтті. Еліміздің жаңа экономикалық бағытына айрықша назар аударды.

– Былтыр еліміздің экономикалық өсімі 5,1 пайызды құрады. Бұл әлемдік экономиканың болжамды даму қарқынынан шамамен екі есе көп. Біз ортамерзімді перспективада экономика-

ның өсімін кемінде 6 пайыз деңгейінде ұстап тұруды және 2029 жылға қарай оның көлемін екі есе ұлғайтуды жоспарлап отырмыз. Осы мақсатқа қол жеткізу үшін мен жаңа экономикалық бағытты жарияладым. Бұл бастама күшті әрі қарқынды дамыған мемлекет құруға бағытталған құрылымдық реформаларды жүзеге асыруды көздейді. Қазақстандағы ашық есік саясаты, мол ресурстар және либералды нарықтық реформалар көптеген шетелдік, соның ішінде қытайлық компаниялардың да назарын аударды. Осы орайда біз азиялық серіктестерімізді экономикамызға инвестиция құюға, өзара тиімді ынтымақтастықтың жаңа бағыттарын қарастыруға шақырамыз, – деді Президент.

2-бет

/// СЕССИЯ



## ҚАРЖЫНЫ ТИІМДІ ЖОСПАРЛАУ МАҢЫЗДЫ

Кеше облыстық мәслихаттың кезекті сессиясы өтті. Оған облыс әкімі Нұрлыбек Нәлібаев, депутаттар және басқарма басшылары қатысты. Күн тәртібінде 11 мәселе қаралды. Депутаттар тарапынан ұсыныс-пікірлер айтылып, оған нақты жауап берілді.

Сессияда облыс әкімі Нұрлыбек Нәлібаев хабарлама жасады.

– Мемлекет басшысы мен Үкімет Сыр өңіріне ерекше қолдау көрсетіп келеді. Осының арқасында аймақтың әлеуметтік-экономикалық дамуында оң тенденция сақталуда. Экономиканың барлық негізгі салаларында өсім бар. Жыл басынан бері 2 ай қатарынан еліміздің өңірлері арасында көшбасшы позициясында тұрмыз. Өңірдегі мұнай қорының сарқилуы салдарынан өнеркәсіп өндірісінде кейінгі 10 жылда төмендеу

тенденциясы байқалды. Өткен жылдың қыркүйек айынан бастап оң динамика қалыптасып, ол өнім өңдеу өнеркәсібі есебінен көрініс берді. Өсу қарқыны бойынша 2022 жылы 11-орында болсақ, 2023 жылы 1-орыннан көріндік. Экономикалық тұрақтылықты сақтау оңай жұмыс емес. Бұл қарқынды одан әрі сақтап қалу үшін жүйелі жұмыс атқаратын боламыз, – деді облыс әкімі.

Бюджет қаржысын тиімді жоспарлау – өңір дамуының маңызды бағыты. Облыс бюджетінің басым бөлігін субвенция құрайды. Соған қарамастан жыл сайын өз кірістерінің оң динамикасы қалыптасуда. Өткен жылдың қорытындысымен жергілікті бюджет жоспары артығымен орындалды. Осындай оңды жағдай облыстық бюджет жоспарында да бар.

2-бет

/// СЕМИНАР

## ИНВЕСТИЦИЯ ЭКОНОМИКАНЫ АЛҒА СҮЙРЕЙДІ

Өңірлік семинардың айқын мақсаты

Қызылорда облысы – ел дамуы мен ұлттық экономиканың өрістеуіне елеулі үлес қосатын, әлеуеті зор өңір. Бүгінде ҚР Үкіметінің өңірлерді дамытудың 2020-2025 жылдарға арналған кешенді жоспары аясында облыс халқының өмір сүру сапасын жақсартуға және өңдеу саласының өндіріс көлемін ұлғайту арқылы жаңа жұмыс орындарын құруға бағытталған бірқатар жобаларды іске асыру көзделген. Биыл бөлінген қаражат аясында жаңа мектептер мен көпөтерлі үйлер салу, жолдарды жаңғырту және жөндеу, инженерлік және әлеуметтік инфрақұрылымды, сондай-ақ денсаулық сақтау және білім беру салаларын дамыту жоспарланған. Соның ішінде өңір экономикасына инвестиция тарту жұмыстарын жетілдіру, өңірдің инвестициялық тартымдылығын арттыру бойынша бірқатар жоба іске асырылмақ.

Жуырда Қызылордада ҚР даму институттары өкілдерінің қатысуымен инвестиция тарту, өнеркәсіпті дамыту және экспортты ілгерілету бойынша мемлекеттік қолдау шаралары туралы өңірлік семинар-тренинг өтті. Оған жергілікті атқарушы органдар, өңірлік даму институттары және бизнес-қауымдастық өкілдерімен өзара тығыз байланыстар орнату мақсатында «Kazakh Invest» ҰК, «Байтерек» ҰБК, «Қазақстанның даму банкі», «Өнеркәсіпті дамыту қоры», «Kazakh Export» ЭСК, «Даму» кәсіпкерлікті дамыту қоры және «Аграрлық несие корпорациясы» акционерлік қоғамдарының өкілдері, қала және аудан әкімдерінің жауапты орынбасарлары, қаржы ұйымдары және банк басшылары, «Kazakh Invest» ҰК АҚ-ның Атырау, Маңғыстау және Батыс Қазақстан облыстары бойынша өңірлік директорлары мен аймақ кәсіпкерлері қатысқан болатын. Басты мақсат – бизнес өкілдеріне қолдау көрсету, мемлекет тарапынан көрсетілетін қолдау шараларын насихаттап, түсіндіру.

3-бет

/// ТОЛҒАНДЫРАП ТАҚЫРЫП

## КИБЕРШАБУЫЛ: Құқық пен қауіпсіздіктегі бір кетік



Фото: Ашық дереккөзден

Айтарға жай көрінгенімен, құқықтық сауаттылық – мәні өте тереңде жатқан түсінік. Оған әр жеке тұлғадан бастап, тұтас мемлекеттік жүйе тиянақты қарамаса, зардабы орасан болуы мүмкін. Мұны тарқату үшін құқықтық сауаттылық пен ақпараттық қауіпсіздікті егіз ұғым ретінде сараптаған жөн. Аталған салада еліміз қандай жетістіктерге жетті, қандай олқылықтарға жол берді? Бірнеше дәйек пен дәлелге көз жүгіртіп көрейік.

3-бет

Валюта бағамы

\$ 446,78 kzt

€ 481,81 kzt

₽ 4,84 kzt

Ауа райы

+2° +6°

0° +4°











Қызылорда қаласы бойынша Мемлекеттік кірістер басқармасы Қазақстан Республикасының Салық Кодексінің 93-бабының талаптарына сәйкес келетін заңды тұлғалардың, филиалдардың, өкілдіктердің және жеке кәсіпкерлердің мәжбүрлеп таратылуға жататын тізімі

Table with 4 columns: №, СТН, ЖСН/БСН, Салық төлеушінің Атауы. It lists various companies and their tax identification numbers across multiple pages.

Дара кәсіпкер ретінде тіркеусіз кәсіпкерлік қызметті жүзеге асыратын жеке тұлғаларға

Дара кәсіпкер ретінде тіркеусіз кәсіпкерлік қызметті жүзеге асыратын жеке тұлғалар бойынша төмендегіні хабарлайды. Бірінші жағдайында төлем (бұдан әрі қарай - БЖТ) кәсіпкер ретінде тіркелмей, бейресми түрде кәсіпкерлік қызметпен айналысатын азаматтар үшін 01.01.2019 жылдан бастап уақытша бес жылға енгізілген болатын. 2024 жылдың 1 қаңтарынан бастап өзін-өзі жұмыспен қамтыған азаматтарға арналған БЖТ қолдану мерзімі аяқталды. Осыған байланысты, БЖТ төлейтін азаматтар 2024 жылдан бастап дара кәсіпкер ретінде тіркелуді міндетті екенін ескертеді. Кәсіпкерлік қолдау және саяси төлеушілердің салық жүктемелерін азайту мақсатында мемлекет тарапынан ұдайы кәсіпкерлік субъектілері үшін тиімді салық саясаты жүзеге асырылды. Атап айтқанда, • Патент (1%), • оңайлатылған декларация (3%),

• бөлшек сауда салығы (2%, 8%) түрлерінің ыңғайлысын тандауына болады. Сонымен қатар, салық режимін «E-salyk-Business» мобилді қосымшасы (1%) арқылы да таңдауға болады. Бұл ретте, әлеуметтік төлемдер автоматты түрде есептеледі және төленеді. Бұл жағдайда әлеуметтік төлемдердің ең төменгі айлық сомасы 17425 теңге болады (міндетті зейнетақы жарналары – 8500 теңге, әлеуметтік аударымдар – 2975 теңге, міндетті әлеуметтік медициналық сақтандыру жарналары – 5950 теңге). Сонымен қатар, дара кәсіпкер ретінде тіркеусіз кәсіпкерлік қызметті жүзеге асырған жағдайда ӘҚБТК 463-бабының 1-тармағына сәйкес 15 АЕК айыппұл түріндегі әкімшілік жауапкершілік қозғалғанына назарға алуыңызды сұрайды.

Хабарландыру

«Сыр бойы» КС» ЖШС 2024 жылдың 03 сәуір күні сағат 15:00-де Қызылорда қаласы, Қонаев көшесі, №33 мекенжайында серіктестік қатысушыларының жалпы жиналысы өткізілетінін хабарлайды. Күн тәртібінде: 1. Серіктестіктің 2023 жылғы атқарылған жұмыстарының қорытындысын бекіту туралы. 2. Серіктестіктің қатысушылары уәклетерін азайту/көбейту, жаңадан қабылдау/шығару, несие лимитін бөлу, Жарғылық капиталын бекіту және осы өзгерістерді серіктестіктің Жарғысына, Құрылтай шартына енгізу, уәклетті органға тіркеу туралы. 3. Серіктестіктің ішкі нормативтік құжаттарына өзгерістер мен толықтыруларын бекіту туралы. Сонымен қатар қатысушыларға күн тәртібіне қосатын ұсыныс-пікірлеріңіз бар болса жиналыс ашылғанға дейін 3 күн ішінде серіктестікке ұсынуларыңызды, жиналысқа міндетті түрде қатысуларыңызды сұраймыз.

Мұралық істің ашылғанын хабарлайды

Қызылорда қаласының жеке нотариусы Косбергенов Мурат Қайербекович (лицензия №14002321, 24.02.2014 ж.) 2024 жылдың 14 ақпанында қайтыс болған азамат Қошанов Қыдырбек Достанұлының атынан мұралық істің ашылғанын хабарлайды. Мұрагерлері болса, мына мекен-жайға хабарласуын сұраймыз: Қызылорда қаласы, Қошербаев көшесі 203, тел.: 8 778 235 08 08, 8 777 067 92 37. Қызылорда қаласының жеке нотариусы Косбергенов Мурат Қайербекович (лицензия №14002321, 24.02.2014 ж.) 2021 жылдың 7 наурызында қайтыс болған азаматша Сабирова Бағдатгүл Махсұтқызының атынан мұралық істің ашылғанын хабарлайды. Мұрагерлері болса, мына мекен-жайға хабарласуын сұраймыз: Қызылорда қаласы, Қошербаев көшесі 203, тел.: 8 778 235 08 08, 8 777 067 92 37.

«Сыр бойы» КС» ЖШС әкімшілігі. (БИН: 061 140 005 106)

